


HISTORIJA DRUGE GIMNAZIJE



Osnivački akt Druge gimnazije Sarajevo

(Akt je donijelo zajedničko ministarstvo finansija Austro-Ugarske, a potpisao ga je Zajednički ministar finansija Burijan 21.1.1905. godine)

Realna škola daje prednost većem broju časova iz matematike, prirodopisa, geometrijskog



Zgrada u kojoj se obavljala nastava.

Austrougarski period (1905-1918)

Usklopu ukupne austrougarske politike na Balkanu pa i u Bosni i Hercegovini, razvoj sekularnog školskog sistema imao je značajnu ulogu. Već 1879. godine austrougarske vlasti osnivaju prvu sekularnu građansku školu u Bosni i Hercegovini- Veliku gimnaziju u Sarajevu. Razvojem životnih i kulturnih prilika javlja se potreba za osnivanjem škole u kojoj bi se obrazovali stručnjaci tehničkog usmjerenja. Prva ideja bila je da se takva Viša realna škola osnuje u Banjoj Luci, no zbog stava zemaljske vlade odlučeno je da sjedište škole ipak bude u Sarajevu. Odluka o tome donijeta je 11. oktobra 1903. godine. Školu bi, kako je zamišljeno, finansirala Gradska općina Sarajevo. Na početku je velika realka bila spojena sa Tehničkom školom, a onda je odlučeno da se sagradi posebna zgrada za školu na obali. Odobrenje za osnivanje Velike realke dolazi iz Beča 21. januara 1905. godine, a potpisuje ga ministar Burian. Predviđeno je da nastava počne 1. septembra iste godine. Prvu generaciju činilo je 113 polaznika. Mogli su se upisati samo učenici.

Velika realka
u
Sarajevu

otvorena dne 1. septembra 1905 po nalogu vis. zajedničkog ministarstva u Beču br. 337/B.H. od 21. januara 1905. odn. naredbe vis. zem. vlade u Sarajevu br. 152 res.

Škola je do dalje naredbe pod upravom direkcije tehničke srednje škole a smještena je u školskoj zgradi ovog zavoda [Ferhadija ulica br. 38]

Zapis na prvoj stranici spomen-knjige iz 1905. godine

prostorničnog crtanja, fizike i hemije. Među predmetima je i bosanski jezik. Godine 1912. škola mijenja ime u Velika realka Franjo Josip. U junu 1913. Polagan je prvi ispit zrelosti (matura). Položilo ga je svih 25 polaznika.

2. Bosanski jezik.

Svrha: Savjesno i temeljito poznavanje gramatike i takva sposobnost, da učenik razgovijetno, tačno i stilističnom spretnošću može govoriti i pričati o takvim prijedmetima, koji padaju u okvir njegova iskustva i njegovih nauka.

Raspored gradiva.

I. razred, 4 sata nedjeljno: Nauka o glasovima i oblicima do glagola; pravopisne vježbe; nauka o prostoj rečenici; izabrana se štiva uče na pamet.

Svaki mjesec po dvije školske zadaće.

II. razred, 4 sata nedjeljno: Svršetak nauke o oblicima; tvorba riječi, nauka o složenoj i skraćenoj rečenici; nauka o pismenim znacima; na pamet se uči kao i u I. razredu.

Mjesečno jedna školska i jedna domaća zadaća.

III. razred, 3 sata nedjeljno: Nauka o padežima i prijedlozima. Na pamet se uči kao i u I. razredu. Zadaće kao i u II. razredu.

IV. razred, 3 sata nedjeljno: Nastavak sintakse; glavne tačke stilistike; najglavniji oblici poslovnih sastavaka. Zadaće kao i u II. razredu.

Program predmeta Bosanski jezik 1905/06. školske godine

Između dva svjetska rata (1918-1941)

Godine 1918. Velika realka vraća se u svoju staru zgradu. Tada je to bila najsavremenija škola u Bosni i Hercegovini, sa bogato opremljenim kabinetima u kojima se odvijala nastava, svečanom salom i gimnastičkom dvoranom. Nastava je bila savremena za to vrijeme, a tadašnji učenici su svjedočili da su



se školskim sveskama iz fizike i hemije služili čak i na studijama prirodnih nauka. Od 1918. godine, u školu se mogu upisati i učenice. U februaru 1922. Velika realka mijenja naziv u Druga gimnazija Sarajevo. Od 1924. škola se naziva Druga muška gimnazija. Sadašnji način ocjenjivanja (ocjene od 1 do 5) uveden je u školskoj 1925/26. godini. Naziv je opet promijenjen 1929. godine, kada se škola zove Druga muška realna gimnazija. Pored uobičajenih predmeta u školi su se izučavali grčki jezik, deskriptika, kaligrafija, pjevanje i

gimnastika. Tridesetih godina XX vijeka sve veći broj učenika stupa u SKOJ (Savez komunističke omladine Jugoslavije).

Предмет	Учѣбница и списак										По списку издана									
	I	II	III	IV	V	VI	VII	VIII	IX	X	I	II	III	IV	V	VI	VII	VIII	IX	X
Ботаника	1	1	1	1	1	1	1	1	1	1	1	1	1	1	1	1	1	1	1	1
Српски или хрв. језик	1	1	1	1	1	1	1	1	1	1	1	1	1	1	1	1	1	1	1	1
Француски језик	1	1	1	1	1	1	1	1	1	1	1	1	1	1	1	1	1	1	1	1
Латински језик	1	1	1	1	1	1	1	1	1	1	1	1	1	1	1	1	1	1	1	1
Немачки језик	1	1	1	1	1	1	1	1	1	1	1	1	1	1	1	1	1	1	1	1
Грчки језик	1	1	1	1	1	1	1	1	1	1	1	1	1	1	1	1	1	1	1	1
Високог	1	1	1	1	1	1	1	1	1	1	1	1	1	1	1	1	1	1	1	1
Високог	1	1	1	1	1	1	1	1	1	1	1	1	1	1	1	1	1	1	1	1
Математика	1	1	1	1	1	1	1	1	1	1	1	1	1	1	1	1	1	1	1	1
Природослов	1	1	1	1	1	1	1	1	1	1	1	1	1	1	1	1	1	1	1	1
Хемија	1	1	1	1	1	1	1	1	1	1	1	1	1	1	1	1	1	1	1	1
Физика	1	1	1	1	1	1	1	1	1	1	1	1	1	1	1	1	1	1	1	1
Хигијена	1	1	1	1	1	1	1	1	1	1	1	1	1	1	1	1	1	1	1	1
Филозофија	1	1	1	1	1	1	1	1	1	1	1	1	1	1	1	1	1	1	1	1
Историја	1	1	1	1	1	1	1	1	1	1	1	1	1	1	1	1	1	1	1	1
Општа	1	1	1	1	1	1	1	1	1	1	1	1	1	1	1	1	1	1	1	1
Калиграфија	1	1	1	1	1	1	1	1	1	1	1	1	1	1	1	1	1	1	1	1
Пјесма	1	1	1	1	1	1	1	1	1	1	1	1	1	1	1	1	1	1	1	1
Гимнастика	1	1	1	1	1	1	1	1	1	1	1	1	1	1	1	1	1	1	1	1
Укупно	10	10	10	10	10	10	10	10	10	10	10	10	10	10	10	10	10	10	10	10

58. Naredba

Pokrajinske Uprave za Bosnu i Hercegovinu od 23. avgusta 1922., broj 9147/prov.
o isplati taksuma za godišnje ispite privrednika i za vanredne ispite.

Saglasno sa naredbom Ministarstva Prosvjete od 26. maja 1922., S.N.broj 2623, određuje se u pogledu plaćanja ispitnih taksi za godišnje ispite privrednika i za vanredne ispite ovo:

1. Za ove ispite plaćaju imućniji učenici nagradu ispitivačima i to:

1. Nastavnicima naučnih predmeta za svaki esenzi ispit osuđeno koliko primaše kao honorar za prekidni rad sa dodatkom još po pet dinara;


2. nastavnicima vještina za svaki ispit osuđeno koliko primaše za prekidni rad sa dodatkom još po 5 dinara.

3. nastavniku, iz čijeg se predmeta rađe pismeni zadaci, pored gore određene nagrade za esenzi ispit još po deset dinara za vrijeme provedeno pri izradi i korekturi zadataka.

Organizuju se kružoci na kojima se raspravlja o aktuelnim zbivanjima, te čita socijalna i marksistička literatura. Učenici se povezuju sa vršnjacima iz drugih škola. Aktivno sarađuju sa Literarnom družinom Prve muške gimnazije. Organizuju se i razni izleti, a zapažen je i školski hor, kojim krajem tridesetih godina upravlja Oskar danon, kasnije poznati dirigent. Vrijedno je zabilježiti i to da su se 1940. godine profesori druge gimnazije usprotivili odluci tadašnjih vlasti da se jevrejskoj djeci zabrani upis u školu.

Nastavni plan za 1922. godinu


Drugi svjetski rat (1941-1945)



Spisak osoblja gimnazije koji su položili prisegu NDH 1941. godine

rukovodstvu škole zbog njihove saradnje sa SKOJ-em i Komunističkom partijom Jugoslavije. Sve diplome stečene u ovom periodu morale su biti verifikirane nakon rata.


Požar drugog svjetskog rata zahvatio je 1941. godine Bosnu i Hercegovinu i njen glavni grad Sarajevo. Te godine škola mijenja naziv u Druga muška realna gimnazija. Profesori i uposlenici škole od vlasti Nezavisne Države Hrvatske 5. maja 1941. dobijaju posebne legitimacije za slobodno kretanje u Sarajevu i izvan Sarajeva. U ratnom periodu nastava se odvijala u zgradi Prve muške realne gimnazije, a potom i u zgradi Prve ženske gimnazije s druge strane mosta Drvenija, sve dok u te zgrade nije ušla njemačka vojska. Nastava je u tim godinama često prekidana zbog ratnih dejstava i bombardovanja Sarajeva. Protiv mnogih učenika i profesora, tadašnje vlasti NDH su podnosile prijave



Policijski izvještaji vlasti NDH o hapšenju učenika Druge gimnazije, saradnika SKOJ-a

Obnova i izgradnja (1945-1959)

Nakon rata škola i život u njoj se obnavljaju. Mnogi učenici upisuju Drugu mušku gimnaziju i školuju se u njoj. Veliki broj njih učestvuje u poslijeratnim akcijama obnove i izgradnje zemlje. Učenici Druge



Osnivanje prvog srednjoškolskog sportskog društva u BiH Elan 1952. godine

gimnazije redovno učestvuju i na sportskim sletovima. Na radnim su akcijama gradnje autoputa, zatim Željezare u Zenici, a učestvuju i na Prvom sletu fiskulturnika Bosne i Hercegovine 1948. godine na još neizgrađenom stadionu „Koševo“. Tada se mnogi od njih počinju baviti i sportom i kasnije postaju vrhunski fudbaleri, košarkaši, gimnastičari. U to vrijeme škola je imala 8 razreda. Godine 1952. osnovano je i Sportsko društvo „Elan“. Pošto su učenici izvodili nastavu fizičke kulture u crno-bijeloj opremi, to su crna i bijela postale zvanične boje društva.


Društvo je imalo i svoju zastavu i grb. Društvo je organizovalo i planinarske izlete. Pedesetih godina XX vijeka, u školi su se, pored uobičajenih predmeta, predvali i pjevanje, higijena, vojno vaspitanje i vladanje. Godine 1957. počela je izgradnja nove zgrade škole u sarajevskom naselju Koševo. Dio radova je izveden u sklopu radnih akcija srednjoškolske omladine. Nova školska zgrada imala je 18 učionica, dvije radionice, kabinete za fiziku, hemiju, biologiju, predvojničku obuku, kino salu, ambulantu, prostorije za zabavni i društveni život. Za izgradnju školskog objekta utrošeno je 200 miliona dinara. Nova školska zgrada svečano je otvorena 26. oktobra 1959. godine, u prisustvu tadašnjih visokih državnih i gradskih funkcionera. Tadašnja štampa je oduševljeno pisala danoću prozori na novoj zgradi Druge gimnazije izgledaju „kao kabine nekog supermodernog putničkog broda“, te da ih prolaznici sa divljenjem posmatraju.



Vijest o otvaranju nove zgrade škole 1959. godine


Gimnazija „Ognjen Prica“ (1962-1992)

U aprilu 1962. godine Narodni odbor opštine Centar Sarajevo donosi odluku o izmjeni naziva škole.




Umjesto dotadašnjeg naziva Druga gimnazija sarajevo, škola nastavlja rad pod nazivom Gimnazija „Ognjen Prica“ u Sarajevu, u znak uspomene na Ognjena Pricu, narodnog heroja i bivšeg profesora matematike u školi. To je bilo vrijeme šezdesetih godina XX vijeka, vrijeme entuzijazma omladine širom Evrope, bivše Jugoslavije, pa i Bosne i Hercegovine. Godine 1970. donosi se značajna odluka za budućnost gimnazije. Tadašnja direktorica škole Belkisa Rizvanbegović pokreće inicijativu za osnivanje većeg broja matematičkih odjeljenja u školi. Cilj je bio da se talentiranim učenicima omoguće uvjeti za bavljenje prirodnim naukama, posebno matematikom i fizikom. Angažovani su najstručniji profesori matematike, a osnivanje odjeljenja podržao je sarajevski „Energoinvest“. Samo prva generacija nije polagala prijemni ispit za upis u matematička odjeljenja; sve ostale jesu. Kao uzor, poslužio je nastavni plan i program zagrebačke matematičke gimnazije.

U svim razredima matematičkog smjera bilo je 7 časova matematike i 4 časa fizike sedmično. Uz to, izučavani su predmeti informatika i elektronika, sjećao se kasnije jedan od profesora iz matematičkih odjeljenja Ilija Katić. Otvaranje ovih odjeljenja omogućilo je dodatni vaspitno-obrazovni rad sa nadarenim učenicima iz oblasti matematike i fizike. Tako su se stvorili uvjeti za odlazak najuspješnijih učenika na takmičenja i olimpijade širom svijeta. Tako je počeo uspješni niz učenika-matematičara, informatičara i fizičara, koji su pronosili svoje, i ime Druge gimnazije širom svijeta. Već 1976. godine učenik Amer Bešlagić osvaja bronzanu medalju na Međunarodnoj matematičkoj olimpijadi u Austriji, što ponavlja i dvije godine kasnije u Rumuniji. U godinama nakon toga, zlatnu medalju sa olimpijade u Americi donosi 1981. godine Mladen Despić, a Vlado Kešelj osvaja 1987. godine bronzanu medalju na olimpijadi na Kubi. Svi ovi takmičari kasnije su postali vrsni matematičari i predavači na



*Amer Bešlagić (1959-1997)
najuspješniji takmičar na
matematičkim olimpijadama*

najprestižnijim svjetskim univerzitetima. Osamdesete godine su bile godine usmjerenog obrazovanja, a Druga gimnazija se specijalizirala za dvije struke-informatičku i elektrotehničku. Stručnjaci-elektroinženjeri predaju ove predmete učenicima gimnazije. Pored matematičara i informatičara, u školi stasavaju i učenici koji će obilježiti sarajevsku muzičku, filmsku, književnu i televizijsku scenu. Samo ćemo spomenuti „Zabranjeno pušenje“, „Top listu nadrealista“, filmove „Sjećaj li se Doli Bel“, „Otac na službenom putu“. Sve su to djela učenika Druge gimnazije. Učenici druge gimnazije učestvuju i na pripremama za XIV Zimske olimpijske igre u sarajevu 1984. godine, a učestvuju i u sletu na ceremoniji svečanog otvaranja igara na stadionu „Koševo“. Za te aktivnosti škola je dobila Veliku plaketu Olimpijskog komiteta i Odbora za organizaciju igara, kao znak priznanja za doprinos u organizaciji sarajevske olimpijade. Gimnazija „Ognjen Prica“ dobila je 1985. godine Šestoaprilsku nagradu grada Sarajeva, kao priznanje za višegodišnji uspješan rad u oblasti obrazovanja i vaspitanja.



Zapis iz sveske Amira Bešliagića


SKUPŠTINA GRADA SARAJEVA
ŽIRI ZA DODJELU ŠESTOAPRILSKJE NAGRADE
GRADA SARAJEVA
DODJELJUJE



ŠESTOAPRILSKU NAGRADU
GRADA SARAJEVA

Gimnaziji „Ognjen Prica“
za višegodišnji i uspješan rad u oblasti
obrazovanja i vaspitanja

Dobitnici Šestoaprilske nagrade 1985. godine



Nagrada za osvojeno prvo mjesto na matematičkoj olimpijadi 1981. godine



Profesori u zbornici šezdesetih godina

Novi rat (1992-1995)

Sigurno najteži period u historiji Druge gimnazije je posljednje desetljeće XX vijeka, koje je obilježila agresija na Bosnu i Hercegovinu od 1992. do 1995. godine. U školskom ljetopisu je zabilježeno da se 2. marta 1992. godine nastava nije održala zbog barikada na sarajevskim ulicama. U takvim uvjetima početka rata, učenici Druge gimnazije učestvuju na Regionalnom takmičenju iz matematike, a Lara Določek, Iva Stavrol, Amila Pita, Mak Trifković i Vladimir Elez ostvaruju plasman na republičko takmičenje. Prvih aprilskih dana iste godine izbjeglice nalaze utočište u prostorijama naše škole. Zbog ratnog stanja, 15. maja 1992. Ministarstvo je izdalo naredbu o završetku školske 1991/92. godine. U julu iste godine zbornica je granatirana i pogođena direktnim pogotkom. Namještaj je uništen, zidovi oštećeni, a stakla polomljena. U novembru, Druga gimnazija je učestvovala u akciji formiranja ratnih škola po mjesnim zajednicama. Istovremeno, škola radi u

Mart 1993.

2. mart 1993. U školi poplava - poplanta
Rborica, kabinet hemije, 11 sprat

11. mart 1993. Provala u kabinet u prauđu

14. mart 1993. Granatirana škola u
podjepodzemnim časovima
otocem hodnik trećeg sprata

22. mart 1993. Provala na 3 spratu dore
provala, raznimreda

April 1993.

1. april 1993. Održani suvoti na predolaznicama
francuske organizacije DIA pokrete
Studenti sa sarajev. Događanja
paradnja na oboru škole i
suvote "Mlad 22 Sarajev"

8. april 1993. Uprstanja paradnja na
komunizacijom organizacijom
"građenari iz granica"

20. april 1993. Održani sjednica Nastavničkog vijeća

23. april 1993. Jastavak sa preslanicama francuske
sahitvor za angentim pomic radnjima

Ljetopis 1993. godina

nehumanim uvjetima-bez vode, struje i grijanja. Granatiranje školske zgrade nastavlja se i tokom 1993. godine. Na Matematičkoj olimpijadi u Turskoj 1993. godine, Mak Trifković osvaja bronzanu medalju. To je prva medalja na matematičkim olimpijadama za samostalnu Bosnu i Hercegovinu. Uprkos ratnim uvjetima, ostvareni su kontakti s gimnazijama iz Liona i Grenobla. U 1994. godini, u sklopu obilježavanja Dana škole, održana je manifestacija „Mladost, znanje, mir“, kada je održana i Trka mira sarajevskim ulicama.

Republika Bosna i Hercegovina
Druge gimnazija u Sarajevu
Broj: 142/94
Sarajevo, 6.04.1994.g.

PROJ BIR
STANICA JAVNE BEZBJEDNOSTI CENTAR

Obavještavamo Vas da će se u subotu 9 aprila 1994 g. sa pođ
u 9 časova održati manifestacija povodom Dana škole pod naz
"MLADOST, ZNANJE, MIR"
a u saradnji sa
BOSANSKIM DJEČIM KULTURNIM CENTROM

Dio sportskih i kulturnih aktivnosti će se odvijati isvan pr
škole u 12 časova a predviđena je:
TRKA MIRA

Predviđeno je da učesnici mogu biti svi prijavljeni građani
dno sa učenicima škole i bivšim djacima takodje i profesorima
Očekujemo oko 200 učesnika koji će trčati na relaciji:
Start ulazna vrata Druge gimnazije (ul. Sutjeska) trka
se kretati iza trafika (ul. Kralja Tomislava) do benzinske pa
ulazi u ul. Djure Džakovića i vraća se u ul. Sutjeska, gdje j
sam start- završetak utrke.

Trka će početi u 12 časova 9 aprila intršons se dva puna krug
će biti markirano - obilježenim djacima Druge gimnazije.

Molimo Vas da na startu utrke kao i na presjeku ulice Sutjesk
Kralja Tomislava-Pumpa, Pampa - Djure Džakovića, Djure Džakov
Sutjeska bude obezbjeđenje MUI-a.

Molimo Vas da nam obezbjedite normalno odvijanje manifestacij

S poštovanjem,
DIREKTOR
Alić Melina, prof.

Dan škole 1994. godine



Maja Đokić (1978-1995)

Godinu 1995. obilježila je pogibija učenice trećeg razreda Maje Đokić. Maja je poginula 9.4. 1995. vraćajući se s treninga. Trenirala je odbojku i bila članica Odbojkaškog kluba „Bosna“, i odlična učenica naše škole. Ta visoka lijepa plavooka djevojka voljela je život, odbojku i svoju školu. U znak sjećanja na Maju, Univerzitet „Berkli“ u Kaliforniji, osnovao je Memorijalni fond „Maja Đokić“, koji pomaže studente iz Bosne i Hercegovine koji se žele upisati na taj univerzitet. Najteži period bližio se kraju-rat je završen u decembru 1995. godine.

Poslijeratni period

Nakon završetka rata život u školi i oko nje se obnavlja. Ponovo se odvija redovna nastava, a učenici i profesori škole žele obnoviti ne samo prostorije, već i duh Druge gimnazije. Najuspješniji učenici ponovo počinju odlaziti na matematičke i informatičke olimpijade i donositi sjajna odličja. Amer krivošija osvaja bronzanu medalju na 40. Međunarodnoj matematičkoj olimpijadi u Rumuniji, a 2005. Alvin Abdagić osvaja srebrnu medalju na 17. Međunarodnoj olimpijadi iz informatike, koja je održana u Poljskoj. Život se polahko stabilizira, a Druge gimnazija i u novim uvjetima ostaje škola koju upisuje i želi upisati veliki broj učenika. U augustu 2000. godine, nakon opsežnih priprema, Druge gimnazija postaje član IB organizacije, kao krovne edukativne asocijacije koja od 1968. godine organizira programa Međunarodne mature. Program je namijenjen učenicima trećeg i četvrtog razreda, a diploma IB-a otvara vrata 1079 univerziteta u više od 102 zemlje svijeta. Nastava se u ovom programu odvija na engleskom jeziku. Druge gimnazija je prva škola iz Bosne i Hercegovine koja je ušla u porodicu IB škola koje djeluju u 120 zemalja svijeta. Godine 2005. U našoj školi počinje se implementirati IBMYP program IBO-a, koji je namijenjen učenicima prvog i drugog razreda. Nastava se i u ovome programu odvija na engleskom jeziku. Na taj način je Druge gimnazija kao jedina škola u Bosni i Hercegovini zaokružila međunarodno četverogodišnje srednjoškolsko obrazovanje



Certifikat o članstvu u IB organizaciji 2000. godina



Izgled diplome učenika IB programa

Druga gimnazija danas

Danas je Druga gimnazija moderna srednja škola koja realizira vaspitno-obrazovne sadržaje u tri programske cjeline: nacionalni program, IBMYP program, te IB Diploma program. U nacionalnom programu učenici imaju mogućnost da u trećem razredu biraju jedno od sljedećih izbornih područja: jezičko, matematičko, prirodno i društveno. U mogućnosti su da slušaju nastavu intenzivnog njemačkog jezika, te polažu DSD ispit. Pored toga, u školi djeluje dosta sekcija i klubova u kojima učenici mogu razvijati svoju kreativnost. Tradiciju matematičke gimnazije njeguju odjeljenja matematičkog usmjerenja, kroz predmet Odabrane oblasti matematike. Druga gimnazija je redovni učesnik svih općinskih, kantonalnih, federalnih i državnih takmičenja. Također, naši učenici učestvuju na sportskim manifestacijama kakve su Gimnazijada, te Fudbalska liga srednjih škola. U školskoj 2017/2018. godini, škola ima ukupno 22 odjeljenja koja nastavu slušaju po nacionalnom programu, zatim 5 odjeljenja koja nastavu slušaju u okviru IBMYP programa, te 6 odjeljenja koja nastavu slušaju u okviru IB Diploma programa. Trenutno se u školi izučava 26 različitih predmeta. Ove školske godine upisan je 721 učenik. Nastavu izvodi 69 profesora, a pomaže im i 15 radnika nenastavnog osoblja, te 5 stručnih saradnika. Druga gimnazija je škola bogate prošlosti, izazovne sadašnjosti i blistave budućnosti.



Nagrada najboljim učenicima za Dan škole 2018.godine